



SAVEZ OPĆINA I GRADOVA  
FEDERACIJE BOSNE I HERCEGOVINE  
Association of municipalities and cities of the FBiH

GODINA: XVII

BROJ: 265

DATUM: 03.02.2020.GODINE



#### Usluge Saveza PRAVNO SAVJETOVALIŠTE:

Selma Fišek, viši saradnik za pravna  
pitanja  
fax: + 387 33 552 810  
selma@sogfbih.ba

#### FINANSIJSKO SAVJETOVALIŠTE:

Gregor Jurišić, viši saradnik za  
finansijska pitanja  
Fax: + 387 33 552 810  
gregor.jurisc@sogfbih.ba

#### Sadržaj biltena:

Saopštenje sa Jedanaeste sjednice  
Predsjedništva Skupština SOGFBiH

1

Prozor-Rama uvela besplatan javni  
prevoz za sve svoje stanovnike

2

Potpisan Protokol o međupćinskoj  
saradnji općina Jablanica, Kakanj i  
Konjic u oblasti poduzetništva

3

Dani općina/gradova za mjesec  
februar/veljača

4

# Bilten Saveza općina i gradova Federacije Bosne i Hercegovine

## SAOPŠTENJE SA JEDANAESTE SJEDNICE PREDSEDNIŠTVA SKUPŠTINE SAVEZA OPĆINA I GRADOVA FEDERACIJE BIH

31.01.2020. godine u Sarajevu je održana Jedanaesta sjednica Predsjedništva Skupštine Saveza općina i gradova Federacije BiH kojoj su prisustvovali Fadil Novalić, premijer Federacije Bosne i Hercegovine i Jelka Milićević, federalna ministrica finansija/financija.

Naglašeno je veoma važnim unaprijediti saradnju sa Vladom Federacije BiH i osnažiti međusobni dijalog s ciljem stvaranja uslova koji će dovesti do poboljšanja položaja lokalne samouprave u Federaciji BiH. Predsjedništvo Saveza se zalaže za potpunu provedbu Evropske povelje o lokalnoj samoupravi, Zakona o principima lokalne samouprave u Federaciji BiH i Sporazuma o saradnji između Vlade Federacije BiH i Saveza.

Posebni zahtjevi se odnose na jačanje finansijske pozicije jedinica lokalne samouprave u Federaciji BiH, zatim važnost uključenosti Saveza u izradu zakonskih propisa kao što su Zakona o pripadnosti javnih prihoda u Federaciji BiH, Zakon o građevinskom zemljištu, Zakon o koncesijama Federacije BiH.

Na sjednici je premijer Federacije BiH predstavio Nacrt strategije razvoja Federacije BiH 2021. – 2027. godina. Radi se o dokumentu, kako je istakao premijer Fadil Novalić, kojim se po prvi put u Federaciji BiH definišu javne politike, usmjerava razvoj teritorija Federacije BiH, kantona i jedinica lokalne samouprave te, zacrtanim strateškim ciljevima i prioritetima, predstavlja putokaz za sveukupan društveni razvoj. Takođe je naglasio da je potreban brži napredak u svjetlu promjenjenih okolnosti, te da će daljnji fokus biti na odlasku mladih i zadržavanju istih, socijalnoj ravnoteži i zdravlju.

Na sjednici su prihvaćene i različite informacije i prezentacije kao što su: prezentacija Vijeća mladih Federacije BiH, prezentacija Centra za uklanjanje mina BiH, prezentacija politike Saveza na temu "Unapređenje vodnih usluga", kao i inicijativa za formiranje Mreže za internu reviziju pri Savezu.



Sa Jedanaeste sjednice Predsjedništva Skupštine SOGFBiH

## PROZOR-RAMA UVELA BESPLATAN JAVNI PREVOZ ZA SVE SVOJE STANOVNIKE

Općina Prozor-Rama je početkom 2020. godine uvela besplatan javni prijevoz za sve svoje stanovnike i time jedina u državi, pa i široj regiji, riješila problem saobraćajnih gužvi i smanjila zagađivanje zraka.

Pomoćnik načelnika Općine Prozor-Rama Josip Juričić, koji je i jedan od autora ovog projekta, za Klix.ba kaže kako se ideja zapravo nametnula iz potrebe stanovnika toga kraja. "Ideja se nametnula kroz svakodnevni rad s građanima. Uvidjeli smo potrebu općenito za prijevozom građana, a takav vid prijevoza nije postojao u našoj općini. Uvjeti su se stekli organiziranjem općinskog preduzeća Javni prijevoz, koje je počelo raditi tek početkom ove godine. Stekli su se uvjeti da se uz organiziranja prijevoza djece iz osnovnih i srednjih škola organizira i prijevoz građana", objašnjava Juričić za Klix.ba.

### Ekonomska računica

Iako ovaj podvig nameće pitanje ekonomske računice, Juričić tvrdi da je uz dobro strateško planiranje i razmatranje ustanovljena isplativost, jer rješava višestruke probleme tog kraja. Općina Prozor-Rama već godinama u potpunosti finansira prijevoz učenika za osnovne škole, iako je to zakonska obaveza županije, što je potvrdila i prošlogodišnja sudska presuda kojom HNK mora platiti općini za izvršeni prijevoz učenika osnovnih škola više od 500.000 KM uz kamatu. No unatoč tome, vodeći brigu o svom stanovništvu, Općina je prije nekoliko godina omogućila besplatan prijevoz za učenike Srednje škole Prozor.

"Općina inače izdvaja dobar novac za prijevoz djece iz osnovnih i srednjih škola. Riječ je o 800.000 KM na godišnjem nivou, zato što je općina razuđena, ima dosta pravaca iz kojih djeca dolaze do svojih škola i takva organizacija prijevoza djece omogućila nam je da uz ne baš velike troškove uključimo i prijevoz građana. Koštati će nas na godišnjem nivou oko 100.000 KM, kako smo u našem planu to predvidjeli, i to je iznos koji smo predvidjeli i u općinskom budžetu za 2020. godinu, što će biti dovoljno da se taj prijevoz organizira kvalitetno i povoljno za naše građane", pojašnjava Juričić za Klix.ba.

### Višestruki značaj

Ovim projektom, kako naglašava, smanjit će saobraćajne gužve i zagađivanje zraka, ali i osobama koje posjeduju vozila olakšati kretanja, što čelnici Općine Prozor-Rama smatraju značajnim.

"Cilj je općenito izaći ususret našim sugrađanima, pogotovu onim starijima koji nemaju svoja vozila i koji su uvijek osuđeni na čekanje nekoga da ih odveze. Sad će im biti olakšano kretanje, a time će se smanjiti i gužve u prometu, što će automatski smanjiti i zagađivanje zraka", pojasnio je Juričić.

Testna faza ovog prijevoza je počela u 2020. godini, a kako pojašnjava u roku od pola godine, trebaju se definirati sve relacije vožnje i rasporedi satnica kako bi ovaj projekt bio što produktivniji na zadovoljstvo svih.

"Javni prijevoz je dobio zadaću da izvrši kontakte s mjesnim zajednicama i utvrdi početne linije s kojima se ulazi u proces prijevoza građana", kaže Juričić. Ističe da će više biti obuhvaćena ona područja s većim brojem stanovnika, ali tvrdi da neće biti onih koji su zanemareni u ovoj priči.

Preuzeto sa "www.klix.ba"



#### KORISNI LINKOVI ZA PREDPRISTUPNE FONDOVE EU:

[www.southeast-europe.net](http://www.southeast-europe.net)  
[www.europa.ba](http://www.europa.ba)  
[www.cbc.bih-mne.org](http://www.cbc.bih-mne.org)  
[www.srb-bih.org](http://www.srb-bih.org)  
[www.cbc-cro-bih.net](http://www.cbc-cro-bih.net)  
[www.programmmed.eu](http://www.programmmed.eu)  
[www.balkanfund.org](http://www.balkanfund.org)



Grb Općine Prozor-Rama



## POTPISAN PROTOKOL O MEĐUOPĆINSKOJ SARADNJI OPĆINA JABLANICA, KAKANJ I KONJIC U OBLASTI PODUZETNIŠTVA

U VIP sali Općine Kakanj potpisan je Protokol o međuopćinskoj saradnji u oblasti poduzetništva između tri partnerske općine.

Protokol su potpisali načelnik Općine Kakanj Aldin Šljivo, načelnik Općine Konjic Emir Bubalo i načelnik Općine Jablanica Salem Dedić.

Općine Kakanj, Konjic i Jablanica zajedno učestvuju u projektu pod nazivom "Međuopćinskom saradnjom do bolje i inkluzivnije prakse podrške start up-ima" koji se finansira iz fondova Evropske unije. Ukupna vrijednost projekta iznosi 185.393 eura. Projekat će pružiti direktnu podršku za 130 pripadnika ranjivih kategorija, od koji je 70 nezaposlenih žena, 15 osoba s invaliditetom, 10 pripadnika nacionalnih manjina i 35 osoba starijih od 50 godina. Krajnji korisnici će dobiti mogućnost za jačanje poduzetničkog duha za 130 osoba (individualni rad i razvoj ideje i kreativnosti), 100 osoba će proći obuku, najmanje 20 će biti podržano da osnuje nove biznise u agroruralnom i turističkom sektoru, a dobit će i mentorsku i stručnu podršku u prvoj godini rada.

Pored ovih krajnjih korisnika, procjena je da će još 150 osoba koje ne pripadaju ranjivim kategorijama biti korisnici sveobuhvatnog sistema podrške tokom trajanja projekta u 3 općine. Naime, pomenute 3 općine i same izdvajaju sredstva u svrhu podrške biznisima, pa će objedinjena sredstva biti dio sveobuhvatnog sistema podrške, a ukupan broj krajnjih korisnika u 3 općine za vrijeme trajanja projekta će biti 280.

Međuopćinskom saradnjom do bolje i inkluzivnije prakse podrške start-upima" u partnerstvu implementiraju: Općina Jablanica, Općina Kakanj, Općina Konjic, Udruženje za poduzetništvo i posao LiNK, Služba za zapošljavanje HNK, Služba za zapošljavanje ZDK – Biro rada Kakanj, Univerzitet Džemal Bijedić, Radin d.o.o. Mostar i Jablanit d.o.o. Jablanica. Međuopćinsko partnerstvo je jedno od pet partnerstava za zapošljavanje kreiranih u okviru projekta „EU4Business – za konkurentnu i inovativnu domaću ekonomiju“, kojeg finansira Evropska unija u BiH, a realizuju GIZ, UNDP i MOR.

Preuzeto sa <http://www.jablanica.ba>



Grb Općine Kakanj



Grb Općine Jablanica



Grb Općine Konjic

### KORISNI LINKOVI ZA PREDPRISTUPNE FONDOVE EU:

[www.southeast-europe.net](http://www.southeast-europe.net)  
[www.europa.ba](http://www.europa.ba)  
[www.cbc.bih-mne.org](http://www.cbc.bih-mne.org)  
[www.srb-bih.org](http://www.srb-bih.org)  
[www.cbc-cro-bih.net](http://www.cbc-cro-bih.net)  
[www.programmmed.eu](http://www.programmmed.eu)  
[www.balkanfund.org](http://www.balkanfund.org)



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: [dino@sogfbih.ba](mailto:dino@sogfbih.ba)

## Pratite nas na:

Gledajte Savez općina i gradova Federacije Bosne i Hercegovine na



Pratite Savez općina i gradova FBiH na



## NAJAVA OBILJEŽAVANJA DANA OPĆINA I GRADOVA ZA MJESEC FEBRUAR/VELJAČA

08. februar/veljača - Dan Općine Odžak. Tog dana 1996. godine prvi povratnici predvođeni policijskim snagama vraćaju se u svoje domove .

20. februar/veljača - Dan Općine Bužim. Na taj dan 1995. godine Predsjedništvo RBiH je Uredbom sa zakonskom snagom formiralo općinu Bužim.

22. februar/veljača - Dan Općine Jablanica i dan sjećanja na oslobođenje grada u Drugom svjetskom ratu.

22. februar/veljača - Dan Općine Jajce. Datum je ovo prvog pisanog pominjanja grada Jajca 1396. godine u Povelji iz dubrovačkog arhiva.

23. februar/veljača - Dan Općine Velika Kladuša. Ovaj datum je značajan kao sjećanje na prvo oslobađanje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.

26. februar/veljača - Dan Općine Bihać. Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.

29. februar/veljača - Dan Općine Ilijaš. Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: [dino@sogfbih.ba](mailto:dino@sogfbih.ba)

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.



Grb Općine Odžak



Grb Općine Bužim



Grb Općine Jajce



Grb Općine Jablanica



Grb Grada Bihać



Grb Općine Velika Kladuša



Grb Općine Ilijaš